

Ol Key Biodiversity Area blong Vanuatu: Futuna

Key Biodiversity Area (KBA)

Wan KBA hemi wan eria we i: kat biodaeesiti we i stap long denja blong lus; biodaeesiti ia i stap long wan smol eria nomo; save sapotem hae biodaeesiti; kat ol proses we oli impoten long wan ekosistem; mo i kat olgeta biodaeesiti we sapos oli lus, bae yumi nomo save karem bak olgeta. Olgeta spisis mo ekosistem ia bae oli save stap long graon, fres wota mo solwota mo bae secretri blong KBA bae hemi mas konfemem. Vanuatu hemi kat 27 KBA.

Treten Spisis

Vanuatu i kat 138 spisis we oli stap long denja blong lus folem wanem we IUCN Red List i soem. Treten Spisis Projek ia hemi karem mani long CEPF blong wok wetem 27 long ol spisis we oli stap long denja ia. Fo long ol treten spisis ia oli stap long graon mo wota raon long Futuna. Olgeta oli:

Endemik

- Bangulu Palm

Stap nomo long Vanuatu mo wan mo kantri

- Palm Lorikeet

Stap long fulap ples

- Green Turtle
- Hawksbill Turtle



Futuna
Source: Google Maps

From wanem aelan ia hemi spesel?

Long Vanuatu, CEPF hemi jusum six prioriti eria aot long 27 KBA ia mo Futuna hemi wan long olgeta. Futuna hemi wan impoten aelan from se Bangulu Pam i kro long hem. Olgeta long IUCN oli putum se Bangulu Pam hemi Critically Endangered mo hemi neitif long Tanna, Futuna mo Aneityum be ol man oli karem ko planem long fulap narafala aelan.

Futuna hemi hom blong endemik Futuna Skink, we hemi no stap long eni narafala ples long wol be Vanuatu nomo. Spisis ia hemi stap long ol tri long bus. Olgeta long IUCN Red List oli putum se Futuna Skink hemi vulnerable from hemi stap long Futuna mo Aniwa nomo motu ol man oli stap katem daon ol bus we hemi stap long hem. Hemi wan spisis we hemi stap long denja blong lus be hemi no wan long ol prioriti spisis blong projek ia.



Palm Lorikeet
Source: Ray Pierce Pacific

